

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 37. stav (1) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19) i Programa utroška sredstava Budžeta Zeničko-dobojskog kantona za poticaje u poljoprivredi za 2019. godinu, broj: 02-14-7731/19 od 07.05.2019 godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 19. sjednici, održanoj dana 30.08.2019. godine, d o n o s i

ODLUKU

Član 1.

(Predmet)

Odobrava se isplata sredstava u iznosu od 10.000,00 KM (slovima: deset hiljada konvertibilnih maraka) „Nezavisnoj televiziji IC“ d.o.o. Kakanj za finansiranje produkcije informativno-edukativnog materijala radi promocije domaće poljoprivredne proizvodnje kroz poticaje za 2019. godinu.

Član 2.

(Analitička konta)

Odobrena sredstva iz člana 1. ove odluke isplatiti će se iz Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), sa razdjela 23, budžetska organizacija 01, potrošačka jedinica 0001, ekonomski kod 614 400, subanalitika NAD 402, pozicija „Subvencije za podsticaj razvoja u poljoprivrednoj proizvodnji“.

Član 3.

(Isplata sredstava)

Odobrena sredstva iz člana 1. ove odluke isplatit će se iz sredstava Rezerve - tačka E/ Programa utroška sredstava za poticaje u poljoprivredi za 2019. godinu „Nezavisnoj televiziji IC“ d.o.o. Kakanj na transakcijski račun kod BBI Bank m br. 141 357 532000 1265.

Član 4.

(Zaključivanje ugovora)

Zadužuje se Ministarstvo za poljoprivredu, šumarstvo i vodoprivredu Zeničko-dobojskog kantona da zaključi ugovor sa „Nezavisnom televizijom IC“ d.o.o. Kakanj o dodjeli finansijskih sredstava iz člana 1. ove Odluke kojim će biti obuhvaćena prava i obaveze ugovornih strana, vrsta proizvodnje koja će se promovisati, broj, trajanje, sadržaj i način emitovanja emisija serijala.

Član 5.

(Izvrštavanje)

„Nezavisna televizija IC“ d.o.o. Kakanj je obavezna nakon završetka projekta, a najkasnije do 31.10.2019.godine, Ministarstvu za poljoprivredu, šumarstvo i vodoprivredu dostaviti izvještaj o namjenskom utrošku sredstava.

Član 6.

(Provođenje Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 7.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-13337/19

Datum, 30.08.2019. godine

Zenica

PREMIJER

Mirza Ganić

DOSTAVLJENO:

1x Ministarstvo za poljoprivredu šumarstvo i vodoprivredu,

1x Ministarstvo finansija,

1x „NTV IC“ d.o.o. Kakanj (putem Ministarstva),

1x „Službene novine Zeničko-dobojskog kantona“,

1x a/a.